

Wie mached's dänn die Zimmerlüüt?

M&T: Überliefert

1. Wie mached's dänn die Zimmerlüüt?

Und eso mached sie's:

Sie rüered chli Zemänt i s'Loch

und tüpfeds nöd, so pflotsched's doch.

Und eso, und eso, und eso mached sie's.

2. Wie mached's dänn die Muurerlüüt?

Und eso mached sie's:

Sie rüered chli Zemänt i s'Loch

und tüpfeds nöd, so pflotsched's doch.

Und eso, und eso, und eso mached sie's.

3. Wie macheds dänn die Schlosserlüüt?

Und eso mached sie's:

Sie schlönd en alte Nagel y

und säged, s'syg en nöie gsi.

Und eso, und eso, und eso mached sie's.

4. Wie macheds dänn die Schueschterlüüt?

Und eso mached sie's:

Sie chlopfed drümal uf de Schue

und meined mee gäbs nüme z'tue.

Und eso, und eso, und eso mached sie's.

5. Wie macheds dänn die Schnyderlüüt?

Und eso mached sie's:

sie blased eifach d'Chnöpf as Hämd,

"nä's sälber a, ihr händ ja Händ".

Und eso, und eso, und eso mached sie's.

6. Wie macheds dänn die Schryberlüüt?

Und eso mached sie's:

sie setzed s'Tüpfli uf es „i“

und säged:"Jetzt mues Pause si!".

Und eso, und eso, und eso mached sie's.

7. Wie mached's dänn die Coiffeurlüüt?

Und eso mached sie's:

Sie schnipsled alli Haar ewegg
und säged s'seg de neuschte Gäg.
Und eso, und eso, und eso mached sie's.

8. Wie macheds dänn die Lehrerlüüt?

Und eso mached sie's:

Sie reded gern de ganzi Tag,
doch Antwort händs uf gar kei Frag.

Und eso, und eso, und eso mached sie's.

